



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De Eutropio eunicho primario, de lege quam tulit, & quo modo ex templo
retractus & occisus sit, & de obmurmuratione hinc aduersus Iohannem
Chrysostomum facta. Capvt VII.

urn:nbn:de:hbz:466:1-12718

SOZOMENI HISTOR.

De Eutropio eunicho primario, de lege quam tu-
lit, & quo modo ex templo retractus & occi-
sus sit, & de obmurmuratione hinc aduersus
Iohannem Chrisostomum facta.

CAPVT VII.

Hic enim ut inter Imperatoris Eunuchos præcipius
erat, ita & primus etiā & solus ex his quos quidē nos
vel cognouimus vel audiuius ad eam dignitatē e-
iectus fuit, ut & consulatum adipisceretur, & Imperatori
patris loco reputaretur: sed quia neque præsenti poten-
tiæ impendentia, neque contingentes humanarum rerum
vicissitudines considerabat, eos extrahere templis aggre-
diebatur, qui propter ipsum in his ad Deum confugz
supplices hærebant, in primis verò Pentadiam Timagij
coniugé, quō quidē potentē ac strenuū ducē ille Tyrānidis
affectatæ condemnatum perpetuō apud Oasin Aegypti
exilio multarat. sed ille quidē sive, quod sit defecerit, si
cut à quodam accepi, sive quod veritus sit, ne quid si-
bi grauius accideret, arenis illic inuolutus repertus est
mortuus. Eutropij verò cura sanctitur lex præcipiens ne
quis omnino ad Ecclesiam confugeret, & vt expelleren-
tur etiam illi, qui ad eam iam confugerant. Non multo
post autem ipse quasi Imperatoris coniugé contumeliose
tractasset ex insidijs impetus primus ipse legem suam
prævaricatus est, & ex palatio profugus ad ecclesiam sup-
plex accurrit, quo quidem tempore splendidam sanc
orationem aduersus illum sub mensa sacra iacentem Iohan-
nes habuit. Tum vt potentum supericia retunderet, tum
vt populo declararet quod humanarum rerum nihil in co-
dem statu durare soleat: Hoc igitur factum, qui illi suc-
censebant calumniantur, quod eum, qui de vita peri-
clitabatur, cum consolari debuisset, obiurgarit, calamita-
tibus eius insultans: Cæterū Eutropius Impiæ huius au-
daciæ sur̄ pœnas dedit, cum capite trūcatus sit: Et lex quæ
lata fuerat, ex publicis commentarijs proxsus est erasa.
Ecclesia porrò laudabiliter proficiebat, vt pote cum De-
us ipse iniquitatis in illam intentatæ vindictæ in tempo-
re fue-

re fuerit. Itaque & cultu diuino augebatur, multoquo
promptius ab hanc causam populus Constantinopolita-
nus matutinis ac vespertinis hymnis vtebatur:

*Quo modo Iohannes Chrysostomus ad emulatio-
nem Arrianorum responsorias cantiones in-
stituerit, & eius doctrina res Catho-
licorum succreuerit, quo modo si-
bi diuites infensos habuerit.*

CAPUT VIII.

ETenim cum Arriani Theodosio Imperante urbans
Ecclesijs Constantinopoli priuati ante mœnia con-
uentus agerent, noctu primum in publicis porticibus
congregabantur, & in cœtus distributi alternatim & ad
responsiorum modum canebant, & corollaria adiicie-
bant in sectæ suæ gratiam composita: Sub auroram verò
hæc publicè modulantes in eum locum abibant, in quo
conuenire solebant: Atque hoc quidem faciebant tum in
festis solennibus, tum in prima & ultima cuiusque
septimanæ die. Ad extremum denique & litigiosas
quoque cantiones adiiciebant, vbi sunt (inquietes) illi,
qui tria numina vnam dicunt esse potestatem, & alia his
consimilia suis hymnis immiscentes. Iohannes igitur ve-
ritus ne qui forte ex sua ecclesia pellicherentur populū
suum ad consimilem canendi modum exuscitauit: & hi
breui tempore illustriores facti, aduersę hæresis sectatores
tum frequentia, tum apparatu superabant: Siquidem cru-
cis argentea signa, facibus accensis eos præcedebant, &
Eunuchus coniungis Imperatoris in hoc præfectus erat,
vt & sumptus his rebus ceceſſarios & hymnos procu-
raret: Hinc itaque siue inuidia moti siue vindictæ cupi-
di Arriani catholicos pugna adorti sunt, & utrimque non
nulli interficiuntur. Ac Brison etiam (hac enim nomen
erat Eunicho Imperatorio) in frontem lapide percu-
titur: Imperator ita percitus huiusmodi Arrianorum
conuentus abrogavit. Catholici verò ex huiusmodi cau-
sa ad prædictum modum canere exorsi, in hunc usq; diem
tra per-